

醫
略
六
書

卷
二
十
五

雜
病
證
治



醫略六書雜病目錄卷之二十五

泄瀉

內因

外證

辨證

脉法

治法

辨治

治禁

死證

用藥

泄瀉方目

白朮湯

白朮散

新定白朮桂枝湯

五味子湯

改定四柱散

椒朴丸

椒附丸

桂香丸

戊巳丸

溫六丸

節齋泄利丸

理芩湯

春澤湯

寶花散



真人養藏湯

痢疾

內因

外證

辨證

脉法

治法

辨治

死證

用藥

痢疾方目

芍藥湯

化滯湯

香連丸

加味平胃散

加味防風湯

芩朮湯

衛生湯

真人養藏湯

紫參湯

訶藜勒散

姜茶飲

千金溫脾湯

千金羊脂湯

千金附子湯



大桃花湯

厚朴湯

椒艾丸

倉廩湯

駐車丸

阿膠丸

歸連丸

阿膠梅連丸

千金黃連湯

戊己丸

外臺黃芩湯

千金三物膠艾湯

胃風湯

甘草乾姜湯

人參敗毒散

便血

內因

外證

辨證

脉法

治法

辨治

用藥

便血方目

黃連湯

膠艾湯



平胃地榆湯

槐角丸

三黃補血湯

栝葉散

升陽防風湯

理物湯

黃連阿膠丸

黃土湯

棕灰散

△ 小烏沉湯

藏連丸

升陽益胃湯

斷紅丸

赤小豆當歸散

○ 溺血

內因

外證

辨證

脈法

治法

辨治

危證

用藥

溺血方目



鹿角膠丸

四味鹿茸丸

鹿角秋石丸

新改補陰益氣煎

便濁

內因

外證

辨證

脈法

治法

辨治

用藥

便溺方目

加味地黃湯

加味四苓散

珍珠母丸

△ 小兒絲丸

△ 水陸二仙丹

九龍丹

遺精

內因

外證

辨證

脈法

治法

辨治

用藥



遺精方目

茯神湯

改定山藥丸

內補鹿茸丸

豬苓丸

威喜丸

金鎖玉關丸

萃仙丸

縮泉丸

新改濟生鹿茸丸

桂枝龍骨牡蠣湯

癱閉

內因

外證

辨證

脉法

治法

辨治

用藥

癱閉方目

黃芩清肺飲

八正散

利氣散

通閉散

牛膝湯

腎瀝湯



六磨湯

外治二法

遺溺

內因

外證

辨證

脉法

治法

辨治

用藥

遺溺方目

家韭子丸

桑螵蛸散

桑螵蛸丸

秘真丹

加減桑螵蛸散

固脬丸

縮泉丸

草薺分清飲

淋痛

內因

外證

辨證

脉法

治法

辨治

用藥



淋痛方目

五淋散

瞿麥湯

琥珀散

立效散

牛膝膏

草豆飲

木香湯

石葦散

加味葵子茯苓散

生附子散

參苓琥珀散

括萸瞿麥丸

三生益元散

茯苓丸

紫雪

春澤湯

捷徑法

外治法

秘結

內因

外證

辨證

脉法

治法

辨治

用藥



秘結方目

導滯通幽湯

潤腸丸

脾約丸

麻仁丸

五仁丸

菴蓉丸

益血丹

黃耆湯

半硫丸

四順清涼飲

通導法

火熨法

脫肛

內因

外證

辨證

脈法

治法

辨治

用藥

脫肛方目

黃連犀角散

升麻湯

捷經法



醫畧六書雜病證治卷之二十五

泄瀉

濕勝則濡瀉以脾土受濕不能滲化致傷闕門元氣故水穀不分併入大腸而泄瀉蓋泄者大便溏泄瀉者大便直下略分輕重總屬脾虛

內因

胃氣和平飲食入胃精氣輸脾歸肺分布百脉而成營衛何泄瀉之有若飲食不節六淫外侵則脾胃受傷而清濁不分傳化失職其上升精華之氣反下降而為泄瀉

外證

脾泄腹滿腸鳴食入艱化胃泄色黃厭食食已欲吐大腸泄色白泄已窘迫小腸泄色赤洩溺不利肝泄色青腸鳴切痛腎泄色黑腰痛脛痠

辨證

餐泄完穀不化是火不生土也溏泄澄徹清冷乃濕勝兼寒也濡泄漓多清水是濕勝兼風滑泄瀉利不禁乃氣虛濕勝洞腸泄大孔如竹筒闕門不閉也直腹泄食入即瀉出此藏氣失守大小便易位而出為交腸泄乃氣虛不能分泌也五更時必泄瀉者腎虛不能攝納津液也食



積泄瀉必噯酸瀉臭惱怒泄瀉必腹痛面青痰泄直下瀉沫胸悶火泄暴注腥穢焦黃氣泄痞悶去不通泰虛泄倦怠時下微溏酒泄每飲必瀉濕熱下注也灑泄數日一瀉飲食蘊蓄也暴注不化爲無水乃火性急速邪熱不能殺穀也溏泄日久爲無火乃水性潤下邪水不能歸原也腹痛因瀉而減爲實既瀉痛不減爲虛痛一陣瀉一陣瀉赤溏滯爲熱痛一陣瀉一陣瀉白滑利爲寒暴瀉揮霍撩亂名霍亂暴瀉麻攣厥脫是番痧腸鳴煩渴爲火攣腸鳴清瀉爲水攻完穀乃胃寒不化色必淡白若因火性急速色必焦黃氣衰不磨色淡不臭風邪動藏色青帶沫

脉法

脉滑按之虛者必下利數實火迫遲細寒侵緩必濕盛弱防虛脫大率沉緩和軟者生浮大弦瀉者死

治法

瀉皆由濕初宜分利中焦次宜滲利下焦久而滑脫不禁然後澁之風勝當以解表寒勝專主溫中虛弱補益食積消導濕淫風藥以勝之火淫清涼以折之痰飲宜湧吐下陷瀆升提

辨證

一曰淡滲使濕從小便而去則大便可自實所謂治濕不利小便非其治也二曰升提鼓舞胃氣上騰則注泄自止所謂下陷者舉之也三曰清涼苦寒洗滌燔熱則暴注下迫自止所謂火熱者清之也四曰疎利疎通藏府閉塞則三焦實瀉自止所謂實者瀉之乃通因通用仍是通因塞也五曰甘緩瀉利速疾甘以緩其下趨之勢所謂急者緩之也六曰酸收瀉利久而氣散不收者酸以收其統攝之權所謂散者收之也七曰健脾脾虛瀉利者燥濕健脾乃治瀉之原所謂虛者補之也八曰溫腎腎主二便火不生土非行溫補則瀉何由止所謂寒者溫之也九曰固澁瀉利日久滑脫不禁不用固澁則瀉無定期所謂滑者澁之者脾鬱不伸清陽下陷而泄瀉者宜開鬱升陽而瀉自止肺熱閉固奔迫大腸而泄瀉者宜清金降火而瀉自止瀉因邪實當分消溲瀉澹少宜利水小便若利只宜燥脾津枯燥湯當升補回津瀉水腹不痛者爲濕升陽除濕湯或胃苓湯加葛根腸鳴腹中陣痛瀉焦黃爲火熱黃芩芍藥加香連痰瀉胸悶二陳湯加香蒼腹痛甚不瀉得瀉痛減爲食積保和丸加葛根虛寒食不化腹痛泄瀉者枳實理中湯去枳實加香朴附子餐泄食不化四神丸加木香訶子濡瀉乃風干胃府土陷木乘升陽除濕湯鶩瀉清冷如鴨溲理中湯加桂附煨木香洞泄肛門不收真人養藏湯去當歸肉桂加炮姜烏梅五味子滑瀉不禁四柱散不應六柱散直腸瀉食入輒下完穀參附理中湯加訶

子肉果煨木香熱瀉煩渴五苓散加阿膠滑石寒瀉嘔吐理中湯加肉桂升麻寒瀉腹痛理中湯加木香桂附熱瀉腹痛連理湯加木香滑石傷暑暴瀉多汗厥冷漿水散暑外寒內連理湯積結瀉腹中絞痛平胃散加消積藥傷酒泄瀉葛花解醒湯酒積瀉二陳湯加川連紅麴陳酒麴糊丸有血去半夏加白芍脾虛頓瀉胃苓湯加香砂虛寒理苓湯加木香益智氣泄痞滿腹急腸鳴木香調氣散虛泄口渴錢氏白朮散水泄溺閉五苓散腎虛泄瀉加減八味丸瀉由肺不傳化春澤湯食積內結發熱泄瀉消導藥中加香連乾葛不應加大黃寒積備急丸番痧寶花散加調中藥霍亂及不伏水土者俱霍香正氣散脾結氣陷泄瀉逍遙散去當歸加升麻木香不應補中益氣湯加木香訶子元氣下陷久瀉脫肛補中益氣湯加粟殼烏梅五味肉果老人腹膨泄瀉九味資生丸氣陷泄瀉補中益氣湯加羌防泄瀉氣脫參附湯急灸海穴五更泄瀉八味丸虛損泄瀉六味丸

治禁

泄瀉非大虛不可驟用甘溫膩補恐大甘則生濕大補則資熱瀉不可純用苦寒大苦則傷脾大寒則傷胃兜澀不可太早恐餘邪留滯則下利漫無止期滲利不可太過恐津枯陽陷反成膈氣噎塞

死證

脉細皮寒少氣泄利前後飲食不入是為五虛死腹滿肢寒脫形泄甚為逆不及一時死上吐下泄不止為陰陽俱脫必死

用藥

白朮湯為主痰加半夏陳皮濕加蒼朮澤瀉火加黃連白芍寒加炮姜益智風加羌活防風食加神麴山查氣加厚朴木香氣虛加人參黃芪氣陷加升麻柴胡泄久脾虛飲食不化加乾姜麴炭於參朮藥中滑泄不禁參朮加肉果訶子附子炮姜夏月暴注香薷飲合益元散五更洞泄四神丸加參朮參附寒甚者漿水散經年脾泄桂香丸椒附丸腎泄八味丸陰虛泄瀉六味丸肺熱移腸黃芩地骨阿膠百合沙參炒銀花煎服酒濕下注四苓散加葛花或金匱澤瀉湯加鮮薛久瀉脫肛補中益氣頻服探吐

選方

白朮湯 治脾虛泄瀉脉緩者

白朮

三錢炒

茯苓

三錢

炙草

錢半

水煎去渣溫服



瀉由乎濕脾土虛弱不能製禦於中故偏滲大腸泄瀉不止焉白朮崇土燥濕茯苓滲濕和脾炙草緩中益胃兼益中州之氣也水煎溫服使濕去土強則脾能健運而敷化有權泄瀉無不自止矣此健脾滲濕之劑為脾虧泄瀉之劑方

白朮散 治寒瀉亡陰脉弱者

白朮 三兩 白芍 二兩 炮姜 三兩 炙草 一兩

為散每服五錢水煎去渣溫服

寒邪傷中土虛不能運化故泄瀉不止脾陰頓亡焉白朮健脾土之虛炮姜溫胃中之冷炙草緩中益氣白芍斂陰益虛總使土強氣健則寒邪自化而脾陰完復胃陽無下陷之虞安有寒瀉亡陰之患乎此溫中攝液之劑為土虛寒泄亡陰之劑方

白朮桂枝湯 新定 治風木干脾身熱泄瀉脉弦虛者

白朮 三錢 桂枝 錢半 白芍 錢半 炙草 八分 大棗 三枚 生姜 三片

水煎去渣溫服

風干胃府木旺乘脾不能敷化而營衛乖和故身熱不解泄瀉不止焉白朮壯脾胃以杜風桂枝散風邪以平木白芍斂陰安脾土炙草緩中益胃氣也更以姜棗調和營衛使風邪外



解則肝木和平而胃陽不復陷脾陰日漸充何慮身熱不解泄瀉不除乎此培土杜風之劑
爲土虛木乘風泄之端方

五味子湯 治五更泄瀉腹痛脉弱者

五味子

三兩 焙 吳茱萸 一兩 醋 泡炒

爲散米飲調化溫服三錢

腎虛木旺腹痛泄瀉每於五更寅卯之時可知寅卯屬木而木應乎肝以肝主疎泄腎氣不能收攝焉五味子斂肺端收腎氣之虛乏吳茱萸溫中能平肝木之獨旺爲散米飲調使肝木和平則脾胃健旺而敷化有權津液四布安有五更泄瀉腹痛之患乎本方加肉果補骨脂卽四神丸治火衰土弱之泄瀉爲尤捷

四柱散

改定治元陽虛冷腹痛泄瀉脉細者

附子

三兩 炮 人參 三兩 炮姜 三兩 茯苓 三兩

爲散生姜三片煎服三錢

元陽虛冷不能生土制濕故水反侮土泄瀉腹痛不止焉附子補火生土以壯陽炮姜暖胃

溫中以燥濕人參扶元氣鼓藥力茯苓滲濕氣和脾胃也爲散姜煎俾元陽內復則虛冷自

